

兵部則例



兵部則例

職方清吏司

公式一

八旗綠旗通例

一通例原定官員犯笞杖等罪分別公私定議
公罪笞一十者罰俸一月二十者罰俸兩月三
十者罰俸三月四十者罰俸六月五十者罰俸
九月杖六十者罰俸一年七十者降一級八十
者降二級九十者降三級均留任杖一百者降
四級調用私罪笞一十者罰俸兩月二十者罰



俸三月。三十者罰俸六月。四十者罰俸九月。五十者罰俸一年。杖六十者降一級。七十者降二級。八十者降三級。九十者降四級。均調用。杖一百者革職。○又定武職各官有應降一級者。準以加一級。或紀錄四次抵銷。罰俸一年者。以紀錄二次抵銷。罰俸半年者。以紀錄一次抵銷。○又定老病休致武職各官。任內有承督未完之案。令接任官完結者。本官已經休致。免議。若有侵那貪酷營私等弊。仍照例處分。○又定武職各官有承督之案。初參援

赦免議限期。又滿仍未完結。復參者。均以赦後起限。仍作初參處分。○又定武職各官。經上司

糾參之後。乃將上司列款。訐首者。將訐首之事。不準行。仍照例處分。○又定營員議處。察明何繫專管。何繫兼轄。統轄。照例議處。若處分止稱該管官者。止將專管官議處。不及兼轄統轄官。○又定武職戴罪圖功者。或別立軍功。或將原案盜賊全獲。或遇

恩赦。均準開復。若三年內。原案盜賊獲半。地方寧謐者。亦準開復。如續有議降之案。以後議之日計

算三年無過開復其議處之時例應戴罪圖功者該員如有軍功加級紀錄及薦舉者準其抵銷免戴罪圖功○又定旗員緣事有降級留任者按所降幾級即降俸幾級應降級調用者各按品級遞降世爵緣事應降級留任者亦按所降幾級即降俸幾級應降級調用者每一級罰半俸三年二級罰半俸六年降級多者照此遞增俟罰俸扣完之日再行升轉若世爵兼有文武職任所犯由職任得者不論世爵大小均就職任議處不由職任得者世爵大就世爵議處

職任大就職任議處○又定旗員叅領以下及領催人等於本任內應辦之事果能奮勉例應議叙者由部將鈐印號紙分發各旗都統遇有應行紀錄者即於號紙內書明事蹟用旗印鈐蓋給與該員收執於歲終彙奏若奉

特旨賞給紀錄或由部議叙紀錄亦於歲終彙奏造冊咨部存案紀錄積至四次者準作加一級○又定武職各官緣事降級留任及降級照舊管事者三年無過開復革職留任者四年無過開復其降級留任者三年內復有降級留任之案

以後降之日爲始計滿三年開復革職留任者
四年內復有革職留任之案以後革之日爲始
計至四年開復○康熙十一年議準武職大員
將曾經奉

旨永不叙用之人私用爲官者革職至叅官有不書
名者將揭報具題官各罰俸六月○二十三年
覆準武職各官有議處之案到部或專本題覆
或彙本題覆宜分別辦理以昭畫一如盜案錢
糧處分例應革職降調者逐案專本題覆若例
止降俸降職降革留任罰俸戴罪督催等項入

半月彙本題覆其錢糧案內如馬政驛站之類
有造報違限并分數未完之文職經督撫題叅
到部者本部無庸具題將該督撫所叅違限月
日及未完分數移咨吏部議處至本部應入彙
題之案繫本月內到者於次月內兩次彙題完
結其中或情節未明應駁詰者即具稿咨察俟
覆到日再議○又覆準見任千總把總及功加
効用各官有病故及老疾告退者皆先行報部
將原劄繳銷於年底彙題若續有議處之案覈
明應免議者準其免議○二十六年議準旗員

本身出征。因軍功所得世爵。若犯賭博宿娼。枷責以上罪者。即議黜革。雖有襲次。不準承襲。其餘所犯之罪。應黜革者。免其黜革。永停半俸。俟身故後。仍準子孫按次承襲。支食全俸。若本身効力隨衆所得世爵。緣事應黜革者。即議黜革。雖有襲次。不準承襲。至父祖所得世爵。承襲之子孫緣事應黜革者。即議黜革。察明應襲之人承襲。○三十九年議準。提鎮關繫重大緊要之事。例應議處者。仍照定例議處。至裁汰戀職未經察出。遲延開復。與丁憂違限。未經咨報。及一

應無關緊要之事。并定例內未經開載。應比照督撫之例。罰俸一月。至六月者。均免議處。○四十二年議準。官員已經革職。有前任之事到部議處。必將應降應革。分晰題明。注册不得止。以毋庸再議。一概抹銷。倘革職之案。辯白開復。仍將前任之事。逐一察明。如有應革之罪。不得即與開復。有應降級者。即照原官議降。有應罰俸者。議於補官日。罰俸。○又議準。已經革職各官。除重大事情。仍照例議處。題明注册外。其餘原任內所有事故。均免議處。○又覆準。內外武職

大員。如將廉能屬官。屈爲貪劣題叅。審明涉虛。將原誣揭官降二級調用。具題官降一級調用。○又覆準。升任降調。裁汰給假丁憂。解任武職各官。如遇原任之事。有應罰俸者。升任官於新任內罰。降調官於降補任內罰。裁汰給假丁憂。解任官於補官日罰。至初任官。有應罰俸者。於到任日罰。○又題準。將軍都統貪婪。副都統不據實叅奏。副都統貪婪。將軍都統不據實叅奏。提督貪婪。總督不據實叅奏。總兵貪婪。提督不據實叅奏。發覺審實之日。無論同城不同城。均降

三級調用。○又覆準。綠旗武職。該管上司將屬官。經管事務。并在任月日。錯誤開報。以致本官革職者。將開報上司降二級調用。督撫提鎮降一級留任。降級者。將開報上司降一級調用。督撫提鎮罰俸一年。罰俸者。將開報上司罰俸六月。督撫提鎮罰俸三月。如將不應叅之官。開報誤叅。未經處分。經部察出改正。繫革職降調。將開報上司罰俸一年。督撫提鎮罰俸六月。繫虛革職。降住俸罰俸者。將開報上司罰俸六月。督撫提鎮罰俸三月。○雍正元年議準。千總把總

經督撫提鎮以巡防懶惰盜劫頻聞及營伍廢弛私離汛地咨革者雖遇

赦免罪仍行革職○又覆準武職各官以暴虐被叅者遇

赦雖免革職仍勒令休致○三年覆準武職各官原任內有承督未完之案應議降俸降級革職及罰俸三月六月九月仍令承督者未滿年限之先或別案降調離任或升遷離任或保題升轉離任均以罰俸一年議結若奉

特旨升調原任內承督未完之案應議降俸降級革

職者仍照離任官例罰俸一年完結如止應罰俸三月六月九月者均各照依原任處分議結○又議準武職各官升任後除原任內所有軍功加級準其隨帶外其曾經奉

旨賞給隨帶之級及議叙并捐納所加之級原有隨帶字樣者仍準隨帶其餘均改爲紀錄一次至對品調補及品相同改補者所有一應加級均準隨帶○又議準八旗文武官兼世爵佐領有犯貪污行止不端革職者不論何任事發所兼之官均行議革其應襲之世爵佐領該旗將應

襲之人奏請承襲。若因溺職革職者。將佐領并所兼文武之職議革。其世爵應否存留。該旗具奏請。

旨。至奉

特旨革職。由武職內獲罪者。其所兼文職。應去應留。該部院等衙門具奏請。

旨。所兼世爵。該旗具奏請。

旨。由文職獲罪者。其所兼武職。應去應留。該旗具奏請。旨。若不兼文職。止由武職獲罪者。其所兼世爵。應去應留。該旗具奏請。

旨。其因公呈誤。止於革職者。由文職呈誤。革文職。仍留所兼武職。及世爵。由武職呈誤。革武職。仍留所兼文職。及世爵。若不兼文職。止以武職兼世爵者。由武職呈誤。革武職。仍留世爵。因公呈誤。降級調用者。於何職議處。即由何職降調。革職留任者。於何任議處。即停何任之俸。若所剩世爵尚有餘俸。仍行給與。再由世爵佐領簡選之。侍衛。因家貧不能行走。經領侍衛內大臣奏退。侍衛者。回旗仍在世爵佐領上行走。若因怠惰。規避。行止不端。參革者。將世爵佐領均行議革。

該旗察明應襲之人奏請承襲。○四年覆準。武職各官有降級留任革職留任者。計滿三年四年無過。在京旗員二品以上。在外將軍都統副都統。及綠旗提督總兵官。自行奏明準其開復。旗員大小世爵。暨叅領協領以下。綠旗副將以下等官。由該管大員詳察咨部題請開復。倘不敷明該員降罰情由。遽請開復者。罰俸六月。有轉詳官者。將轉詳官罰俸一年。如該管大員將該員降罰之案。不行聲明。遽請開復者。罰俸一年。至本人已經呈請開復。該上司不為轉詳者。

罰俸一年。已經轉詳。該管大員不為請開復者。罰俸六月。若本人隱瞞已身降罰事故。遽請開復者。罰俸一年。至旗員如總管城守尉等官。無大員統轄者。自行呈部。由部題請開復。○五年奉

旨。官員先叅婪贓革職提問者。原因婪贓被叅。故革職以便審訊。如審無婪贓。其罪不至於革職。自應準其開復。倘因已經革職。遂謂無庸議。未免冤抑。嗣後凡被叅革職訊問之員。審繫無罪者。皆著以開復定擬。不得稱已經革職無庸議。將此永為定例。○又奉旨。嗣後停俸降級革職留任之人。奉特旨升補者。將停

俸降級革職留任之處。數明奏聞。○又覆準。在籍武舉。并候選衛所千總等微員。有把持公務。武斷鄉曲。一切犯法之事。例應革職審問者。該督撫咨部。斥革彙題。如審繫無辜。咨部彙題開復。若在籍微員有犯法之事。不行懲治。將地方官照狗庇劣員例議處。至該微員本無劣蹟。而地方官狹嫌捏款揭報者。將地方官照捏報劣員例議處。○六年奉

旨。嗣後降調革職留任之員。再有降革處分。朕復加恩寬免留任者。將後案注冊。俟前案開復。再將後案計

至三年無過。準予開復。其有數案處分者。計案遞加。永著為例。○又議準。八旗所屬各官貪婪。該管官不據實詳揭。經將軍都統副都統題參。審實之日。繫知情者。無論同城不同城。將該管官降三級調用。統轄官降二級調用。失察者。同城之該管官降一級留任。統轄官罰俸一年。不同城百里以內者。該管官罰俸一年。統轄官罰俸九月。百里以外者。該管官罰俸九月。統轄官罰俸六月。在京巡捕營不詳揭屬官貪婪者。照此例行。直省副將參將至千總把總貪婪。該管官不據實

詳揭。經督撫提鎮題叅審實之日。繫知情者。無論同城不同城。將親標該管官降三級調用。統轄官降二級調用。失察者。同城之親標該管官降一級留任。統轄官罰俸一年。不同城在百里以內者。親標該管官罰俸一年。統轄官罰俸九月。百里以外者。親標該管官罰俸九月。統轄官罰俸六月。衛所各官。不詳揭屬官貪劣者。照此例行。如統轄官將貪劣屬官申報將軍都統副都統督撫提鎮。該管官不詳揭。或該管官申報統轄官。統轄官不申報將軍都統副都統督撫。

提鎮。或該管官申報將軍都統副都統督撫提鎮。竟不申報統轄官者。亦照此例分別議處。其不同城各官。於疏內將里數聲明。以憑察議。倘里數聲明失實。將轉詳官照徇情例議處。至貪婪之處。該管上司正在訪察。而將軍都統副都統督撫提鎮。先已發覺。即行詳揭者。該管上司止照失察例議處。再題叅貪劣屬官。不將未經詳揭之該管各官附叅者。罰俸一年。署印官不詳揭貪劣屬官者。如任事不及一月。免議。一月以上。與實授官一例議處。至科道糾叅貪劣官

欵蹟。審實之日。將不詳揭之該管統轄各官。分別議處。不題叅之將軍都統副都統督撫提鎮。均照統轄官議處。○又議準。將軍都統副都統督撫提鎮等。聞有貪劣屬官。行令該管官訪察。該管官不即速申覆。或洩漏風聲。以致貪劣官自盡潛逃者。將該管官罰俸一年。其自盡者。如有威逼致死情由。審實有確據者。將威逼之官革職提問。至屬官互相訐告。該管官不行詳報。及經將軍都統副都統督撫提鎮知覺。行令訪察。又復詳報遲誤。或將軍都統副都統督撫提

鎮訪察屬官優劣。該管官不速申覆者。均罰俸一年。若該管官未奉將軍都統副都統督撫提鎮明文。即將屬官拘拏羈禁者。革職。○又議準。武職各官。裁汰告假丁憂者。補任後。準接算前俸。所有原任即升加級紀錄。準其隨帶。緣事應降應革。遇有

恩赦免議。及本案審虛開復。或奉

旨以原叅之案。本屬冤抑。復還原職者。均準接算前俸。所有即升加級紀錄。亦準隨帶。如並非本案開復。及業經緣事降革奉

旨起用者。不準接算前俸。所有即升加級紀錄。不準隨帶。○又議準。八旗老病休致各官。原任內所有加級紀錄。仍行注冊。後遇議處。準其抵銷。○又覆準。議處武職各官。凡例內載明加級紀錄。不準抵銷者。均於本內將原有加級紀錄。與不準抵銷之例。一併聲明。若並無載明。不準抵銷字樣。皆繫例應抵銷。即於議以降級罰俸時。覈明該員加級紀錄。概行抵銷。至降級留任之人。原繫虛降。除戴罪。并承督等案。俟本案完結日。開復外。其因公呈誤降級留任者。加級紀錄。均準抵銷。至

降級留任以後。捐納加級。不準抵銷。遇有恩詔加級。及議叙加級。均準抵銷。倘被議之人。有應行抵銷。部議遺漏抵銷者。許本人詳明。將承辦官。交吏部議處。若本人明知受屈。隱忍不行。詳明。別經發覺。將本人加級紀錄。不準於本案改正抵銷。仍罰俸六月。○六年覆準。降革留任官員。除不許升轉外。其朝服頂帶。皆許照本任品級。○七年奉

旨。凡外任官員。因公呈誤革職者。朕恐其人材尚屬可用。而罷黜之由。乃限於定例。不忍使之廢棄終身。是

以格外施恩。於部議革職之時。往往酌量降旨。令其交代後。該上司出具考語送部引見。此朕愛惜人材體卹下情之意。惟是外官在任叅罰之案常多。每有先經革職奉旨來京引見之人。陸續又有別案革職者。此等官員著交部覈明。若續叅之案情罪重於前案。非繫因公呈誤。則不應引見。若後案仍繫因公呈誤。與初叅革職之案情罪相同。仍著引見於奏摺內將該員共有處分幾案之處。聲明候旨。○又議準。武職各官被叅革職發審。本案審繫全虛者。均以開復定擬。不得稱已經革職毋庸議完結。如革

職發審之人。先經別案降革者。本案審虛。止將審虛之案開復。其從前降革之案。不得概予開復。其先經別案革職留任降革留任者。本案審虛。亦止將審虛之案開復。於補官日將從前降革留任之案。帶於新任。至原叅重罪審虛。而該員尚有輕罪應降級罰俸者。將該員原叅革職之案開復。按其所犯輕重。應降級者降級。應罰俸者罰俸。原任內所有加級紀錄等項。應抵銷者。仍準抵銷。○八年奉

旨。內外大小官。帽頂補服坐褥等項。悉照本身見任品

級不得借稱加級。以開僭越之端。在京著有稽察之責者。嚴行稽察。在外著該管上司稽察。倘有不遵。除將本人議處外。失察之人一并議處。○九年議準。武職各官。有出征及差往屯種駐劄者。遇有議處之案。應罰俸者。準其注册。於事竣之日。補行罰俸。應降級留任革職留任者。仍按年限題咨開復。應降級調用者。帶所降之級。仍留軍營効力。於事竣之日。該管官出具考語。給咨送部引

見請

旨。應革職者。於議處本內。將應否仍留効力之處。聲

明請

旨。如準留營効力。亦俟事竣之日。該管官出具考語。給咨送部引

見請

旨。以上降革留營効力官。不必開闕。均照原官支領俸薪等項。以資養贍。○十年議準。千總把總外委等。因軍功議叙職銜。遇有因公呈誤。應行降調者。如降一級。將所得功加銷去一等。抵降一級。若降級多者。照此計算。銷去功加。○十一年奉

旨。嗣後有一人而兼數任者。遇有議叙。若僅止一案。只就一任內議叙。如遇有議處。亦只就一任內議處。將此永著為例。○又議準。武職各官。升任後。遇原任事發。應降級調用者。如繫營私作弊。情罪重大者。於原任內議以降調。若擊尋常。因公呈誤。或情罪尚輕者。於見任內議以降調。此內有旗員。繫營私作弊。情罪重大。於原任內議以降調者。將所兼之任。一並降調。繫因公呈誤。於見任內議以降調者。仍留所兼之任。○十二年議準。內務府官員。遇有降級調用之案。向皆議以留任。但

實降之與虛降。原有輕重。未便一例辦理。嗣後內務府官員。應議降級調用者。照例仍準留任。外將降一級調用者。加罰俸一年。降二級調用者。加罰俸二年。雖有紀錄。不準抵銷。○又議準。叅領副叅領兼管佐領者。遇有因公草職之案。繫叅領任內之事。將叅領議草。仍留佐領。繫佐領任內之事。將佐領議草。所兼叅領副叅領。該管大員。出具考語。具奏請

旨。因公降調之案。繫叅領任內之事。將叅領議降。仍留佐領。繫佐領任內之事。屬世襲佐領。按所降

幾級。以罰佐領半俸。議抵屬公中佐領。即行降調。如有兼銜。留其小銜。所兼叅領副叅領。該管大員。出具考語。具奏請。

旨。至副都統以上等官。有兼佐領者。遇有因公草職之案。繫副都統等官任內之事。將副都統等官議草。仍留佐領。繫佐領任內之事。將佐領議草。所兼副都統等官。於本內聲明請。

旨。因公降調之案。繫副都統等官任內之事。將副都統等官議降。仍留佐領。繫佐領任內之事。屬世襲佐領。按所降幾級。以罰佐領半俸。議抵屬公

中佐領。即行降調。如有兼銜。留其小銜。所兼副都統等官。於本內聲明請。

旨。○又議準。武職各官。有軍功加一級者。準抵銷降二級。如遇有降一級之案。將軍功加一級。抵銷。仍給還軍功紀錄二次。軍功紀錄二次者。準抵銷降一級。軍功紀錄一次者。準抵銷。罰俸一年。如遇有罰俸六月之案。將軍功紀錄一次。抵銷。仍給還尋常紀錄一次。其餘議叙加一級。或紀錄四次。或不論俸滿。即升。或卓異一次。或薦舉二次者。均準抵銷降一級。薦舉一次。或紀錄二

次者均準抵銷。罰俸一年紀錄一次者準抵銷。罰俸六月。至軍政應議各官。雖任內先有薦舉紀錄卓異。不準抵銷。亦不準隨帶。若軍功加級及別項加級紀錄。不準抵銷。仍準隨帶。再議處。拖欠錢糧各官。任內有軍功及錢糧全完加級紀錄者。準其抵銷。別項加級紀錄。不準抵銷。○又議準。武職各官。有紀錄一次者。抵銷罰俸六月。如任內有紀錄一次。罰俸僅三月者。徑行罰俸。仍留紀錄。若罰俸一年。銷去紀錄一次。抵罰俸六月。仍罰俸六月。餘均照此扣算。○十三年

議準。八旗武職有應叅劾者。該管大員開具事由。奏請交部。其應革職治罪者。由部覈實請

旨。○又議準。八旗在京驍騎校以下微員。無級可降

者。如緣事應降級留任。仍議以降級留任。三年無過開復。若承督等案。於事完之日開復。若有數案。仍逐案開復。至應降級調用者。如在三級以內。行察該旗。令該管官將該員居官如何之處。聲明報部。於議覆本內。將居官好者。議以革職留任。三年無過開復。平常者。議以無級可降。革職。如議處之人。甫經任事。尚未定其賢否。該

管官將甫經任事之處聲明報部於議覆本內。議以暫行留任。仍令該管官試看一年。如能供職。報部注冊。於奉文試看之日。扣限起。至三年無過開復。如不能供職。該管官即行叅革。此等微員。於分別去留具題之後。交與都察院堂官秉公驗看。若去留允當。即具摺奏。

聞。若將應去者議留。應留者議去。或內有人才可用。或在行間曾出格効力者。都察院將情由聲明。

引

見。至外省駐防驍騎校以下微員。無級可降者。該管

官於題咨之日。即將該員居官如何之處。於文內聲明。由部覆覈。將應去應留之處。叙入議覆本內請。

旨。其有未將該員居官如何之處聲明者。由部咨察該管官。俟出具考語到日。將該管官所出考語及應去應留之處。附入彙題請。

旨。以上京外八旗無級可降微員。如一案內降調過於三級者。即行革職。不準留任。或已經革職留任。未經開復。又遇別案降調。即行革任。如遇降級留任之案。仍準留任。逐案開復。至綠旗七品武職。

乃無級可降之員。如緣事應降級留任者。仍議以降級留任。三年無過開復。若承督等案。於事完之日開復。若有數案。仍逐案開復。應降級調用者。該督撫提鎮於題咨之日。即將該員居官如何之處。於文內聲明。由部覆覈。若該員降調之案。在三級以內。於議覆本內。將居官好者。議以草職留任。三年無過開復。平常者。議以無級可降草職。如議處之人。甫經任事。尚未定其賢否。該督撫提鎮等將甫經到任之處。聲明報部。於議覆本內。議以暫行留任。仍令該督撫提鎮

等試看一年。如能供職。報部注冊。於奉文試看之日。扣限起。至三年無過開復。如不能供職。該督撫提鎮等即行叅革。其有題咨文內。未將該員居官如何之處。聲明者。由部咨查該督撫提鎮等。俟出具考語到日。將應草應留之處。附入彙題請

旨。至一案內所降調之級。過於三級者。即行草職。不準留任。或已經草職留任。未經開復。又遇別案降調。即行草任。如遇降級留任之案。仍準其留任。逐案開復。其千總雖繫六品。遇有降二級調

用之案。準照七品官之例行。○乾隆元年奉旨。嗣後侍衛等差使遇有議處。若領侍衛內大臣即行議奏。○三年議準。旗員五品以上者。遇有降革罰俸之案。該管官題參送部。其一切因人連累等事。該管官咨參送部。繫降調革職者。專本題覆。繫虛革虛降罰俸者。入於半月彙題完結。至六品以下等官。降革罰俸之案。均令咨部議處。入於彙題完結。○四年議準。內外旗員。遇有罰俸之案。除原有紀錄。準其抵銷外。若任內有議叙加級。願改爲紀錄。抵銷罰俸者。準其呈明。每級改

爲紀錄四次。遇有罰俸之案。照數抵銷。其抵銷所剩紀錄。於升任時覈明。繫隨帶之級所改者。仍準隨帶。不繫隨帶之級所改者。改後抵銷。過一二次或三次者。槩行注銷。若所改紀錄。並未抵銷罰俸。升任時。準以紀錄一次。帶於新任。其餘一應加級。不準改抵。○又議準。在京旗員。三品至五品。因公降革。如任內無錢糧不清。及治罪之案者。該管大員將該員降革原案。咨送都察院察覈。實繫因公者。咨回該處。由該管大員出具切實考語引

見請

旨。非繫因公者無庸引

見。其外省駐防降級調用官。由該將軍都統副都統等察明該員降調原案。咨送在京該旗。轉咨都察院察覈實屬因公者。行文該處。將該員出具考語咨送來京引

見。非繫因公者。仍按所降之級候補。駐防革職官。除已經在外留養者無庸議外。如已經歸旗。亦照在京旗員之例辦理。直省副將以至守備。因公降調者。俟交代清楚後。該督撫提鎮出具切實

考語。給文赴部。由部將該員原叅之案。咨送都察院察覈實屬因公者。由部將該督撫提鎮所出考語。并都察院察覈緣由。聲明引

見請

旨。非屬因公者。照例候補。至巡捕營叅將游擊守備。遇有因公降革。無錢糧不清及治罪之案者。該統領將該員降草原案。咨送都察院察覈實屬因公者。由該統領出具考語引

見請

旨。非屬因公者。降調人員。該統領咨部候補。革職者

令其回籍。○又議準一事之內有兩罪名者。不必重科。惟按罪名大者議處。至事非一案。或一時同發。或先後並發。仍逐案議處。○又議準。檢舉處分例內。定有專條者。仍照例遵行。外其並無明文者。在京八旗副都統以上。在外將軍都統副都統及提督總兵官。所辦事務。始初無心錯誤。或繫失察。後經察出。檢舉。由部將照例處分。及應否寬免之處。兩議請

旨。其餘在京八旗叅領。巡捕營叅將以下。在外協領及副將以下。無心錯誤。自行檢舉者。各按應得

處分減等。如例應革職者。議以革職留任。應革職留任者。議以降四級留任。應降級調用者。議以降一級留任。應降級留任者。議以罰俸一年。應罰俸一年者。議以罰俸六月。應罰俸六月者。議以罰俸三月。應罰俸三月者。免議。本人既以檢舉減等。其該管上司。均免失察處分。倘所犯之事。繫有意營私。別經發覺。希圖減等。倒提月日。及斷罪失入。已行論決者。雖自行檢舉。不準減等。○又奏準。在京巡捕營武職各官。如有議叙加級。願改為紀錄抵銷罰俸者。呈明該統領

咨部。每級改爲紀錄四次。遇有罰俸之案。照數抵銷。其抵銷所剩紀錄。於升任時覈明。繫隨帶之級所改者。仍準隨帶。不繫隨帶之級所改者。改後抵銷過一二次或三次者。槩行注銷。若所改紀錄。並未抵銷罰俸。升任時準以紀錄一次。帶於新任。其餘一應加級。不準改抵。○又奏準。武職各官。有一人而加數級者。遇有處分。按其加級年月先後。依次抵銷。○又議準。候補候選及議處之武職人員內。如有應行呈明情節。赴部具呈。聽候批示辦理。具呈一次之後。復行捏

辭妄瀆者。槩不收錄。倘實屬冤抑。自赴都察院具呈。有應行準理者。由都察院調取原案。詳考定例。如實屬舛錯。奏請更正。若部內辦理未協。將堂司官奏請察議。有營私受託等弊。都察院即行察叅。○五年議準。八旗印房總辦俸餉。及各叅領總辦事務。一年內。並無遺漏逾限者。將承辦官各紀錄一次。各佐領下事務。三年內。並無遺漏逾限者。將佐領驍騎校各紀錄一次。領催應給紀錄者。注册咨部備案。俟得官之日。給與。未得官之日。遇有過誤。將注册之紀錄抵銷。

其應給紀錄者。該都統將紀錄號紙給發。於年底奏。

聞。咨部注册。○又奏準。武職降級留任各官。三年內遇有罰俸者。如將所罰之俸繳完。及按季扣完者。免其扣除罰俸年限。計滿三年開復。革職留任各官。四年內遇有罰俸者。如將所罰之俸繳完。亦免其扣除罰俸年限。計滿四年開復。如降革留任之員。罰俸未經全完者。各按完過銀數。免其扣除罰俸月日。若全未繳完。均將罰俸月日扣除。計滿年限開復。○六年奏準。八旗

武職該管上司。將所屬官員經管事件。並月日。不行察明。誤開。以致本官革職者。將申報上司降一級調用。都統將軍等降一級留任。如本官降級者。將申報上司降一級留任。都統將軍等罰俸九月。本官罰俸者。將申報上司罰俸六月。都統將軍罰俸三月。如將不應參之官。誤報題參。未經處分。經部察出。若繫革職降級事件。將申報上司罰俸一年。都統將軍等罰俸六月。若繫虛降虛革及住俸罰俸事件。將申報上司罰俸六月。都統將軍等罰俸三月。○又議準。王公

所屬六品以下官。原繫咨部補授。如有過犯。照例咨革。至五品以上官。有應革者。該王公據實叅奏。交部察議。入於半月彙題完結。○又議準。外省駐防官。有應議處之案。如例無專條者。繫將軍都統副都統。照在京都都統副都統例定議。總管副管翼領城守尉協領叅領防守尉。照在京叅領例定議。佐領防禦驍騎校。照在京佐領驍騎校例定議。其在京副叅領步軍副尉。有議處之案。如例無專條者。副叅領照叅領例定議。步軍副尉。照步軍協尉定議。○又奏準。直省武

職各官。如被上司恃勢抑勒。許該員詳報該將軍提鎮叅。若將軍提鎮徇庇。或自行抑勒。許該員詳報總督叅。如總督徇庇。或自行抑勒。該員受屈難伸。及該省未經設有總督者。準其直揭部科。至督撫親標。及衛所各官。被上司恃勢抑勒。許詳報督撫叅。若督撫徇庇。或自行抑勒。亦準其直揭部科。該部科察明揭內情辭。果有實據。即行具奏。事關將軍總督提鎮者。交巡撫察審。事關巡撫者。交總督察審。事與督撫皆關者。請

旨簡命察審。該上司暫免解任。審明上司抑勒屬實。照例議處。若明知上司訪款揭叅。乘叅本未到之先。捏砌誣揭。該部科察明情辭無據。將該員奏明解任。原揭發交督撫確實察審。果繫誣揭。將該員革職。如該員被叅本罪輕於所誣之罪者。於本罪外仍治以誣告之罪。倘本罪重於誣告。即從重歸結。○又奏準。武職各官。有例應議處之案。奉該管上司行取職名。該員開送遲延者。罰俸一年。轉催官罰俸六月。若屬官例應議處。並無應詢緣由。該管上司揭報遲延者。按限

期處分。不得借屬員開送遲延。希圖推卸。至行取例應議處職名。該管官不行開送。經將軍都統副都統督撫提鎮以徇庇附叅者。降二級調用。○七年議準。世爵所得加級。後經補授別任。其品級與世爵相等。或較小於世爵者。均準隨帶。若品級大於世爵。將應行隨帶者。準其隨帶。應改紀錄者。改為紀錄。至職任內先得加級。後經承襲世爵。無論職任兼與不兼。若世爵品級與職相等。或較小於職任者。均準隨帶。若世爵品級大於職任。將應行隨帶者。準其隨帶。應改

紀錄者。改爲紀錄。其佐領任內所得加級。後升
叅領以上等官。雖仍兼佐領。亦察明應隨帶者。
準其隨帶。應改紀錄者。改爲紀錄。○又議準。旗
員緣事議處。應議降一級二級。留任兼罰俸一
年二年者。除加級紀錄。足抵降罰之數。準其抵
銷外。如加級紀錄。不足抵降罰之數。將見有加
級紀錄抵銷。仍分別議以降級罰俸。降級之員。
俟三年無過。開復。未經開復之先。即罰俸年限
已滿。止照所降之級食俸。罰俸之員。按所罰之
數扣除。○又議準。副驍騎校。護軍校等。遇有議

處之案。無俸可罰。無級可降。均以鞭責完結。罰
一月俸者。鞭一十。兩月鞭二十。三月鞭三十。六
月鞭四十。九月鞭五十。一年鞭六十。降一級留
任者。鞭七十。降一級調用及降二級留任者。鞭
八十。降二級調用及降三級留任者。鞭九十。降
三級以上調用及革職留任者。鞭一百。仍留當
差。如犯革職之案。鞭一百。革退。至領催兵丁有
犯。如例無專條者。亦照此鞭責。○八年奉

旨。向來在京八旗武職。及外省駐防。並在京文武官
員。遇有罰俸之案。準其將議叙加級。改爲紀錄。抵

銷。惟在外文武各官。不在此例。朕思大小臣工。雖職分有大小之殊。而以功抵過。均屬一體。嗣後外省地方文武各官。有情願將議叙加級。改作紀錄。抵銷罰俸者。著照在京文武官之例。準其抵銷。○又覆準。在京八旗武職及巡捕營叅將以下各官。遇有罰俸三月之案。不至銷去紀錄一次者。將罰俸之處注册。俟再遇罰俸三月之案。合算抵銷。○十三年議準。武職各官。若因公降革。向有送都察院察覈引見之例。徒滋弊竇。應行停止。嗣後在京旗員。因公呈

誤。至於降革。其中有辦事勤敏。人材可用。並無錢糧不清。及治罪之案者。該管大員會同都察院察覈。如果應行引

見。由該管大員出具切實考語。保奏引

見。外省駐防者。由該將軍都統副都統等。出具切實考語。咨送各該旗覈明引

見。應去應留。均候

旨遵行。至在京巡捕營叅將。游擊守備等官。有因公呈誤。至於降革者。其中有辦事勤敏。人材可用。並無錢糧不清。及治罪之案者。該都統統領會

同都察院察覈。如果應行引

見。由該步軍統領出具切實考語。保奏引見。應去應留。候

旨遵行。○十四年奉

旨。近定因公降調人員。如以原官補用。仍將所降之級帶於新任。嗣後引見時。如經朕特旨降補者。不拘所降級數。槩行注銷。不必隨帶。○又覆準。在京旗員二品以上。在外將軍都統副都統及綠旗提督總兵官。遇有降革留任之案。於年限屆滿時。各開具事由咨部。由部察例題請開復。不必

自行陳奏。○十六年議準。叅領以下等官。辦事並無遺漏遲誤者。分別給以紀錄。原屬鼓勵旗員之意。其一人兼數任者。即給以數任紀錄。未免過優。嗣後叅領兼印房辦事。又兼佐領者。止給以叅領紀錄。佐領兼印房辦事者。於印房任內給以紀錄。部院各官兼佐領者。準給以佐領紀錄。其餘所兼之任。均不準重複紀錄。○十九年覆準。守備以上各官。遇有因公降調者。準以功加一等。抵銷降一級。免其降調。

